

Iðnaðar og tækjadeild

Ágætu félagar!

Að venju verður á þessum aðalfundi farið yfir það helsta sem gerst hefur á liðnu starfsári. Haldnir hafa verið fjórir stjórnarfundir frá síðasta aðalfundi deildarinnar, sem haldinn var 13. febrúar 2017.

Ýmis mál hafa verið rædd á þessum fundunum, m.a. uppbyggingu deildarinnar, kjaramál, kjarakönnun félagsins, fræðslufundir, samninga er snúa að deildinni, þing AN og SGS, námskeið fyrir félagsmenn og margt fleira.

Frá síðasta aðalfundi hefur deildin staðið fyrir tveimur fræðslufundum fyrir bílstjóra sem báðir tókust mjög vel. Í lok febrúar í fyrra fjallaði Kjartan Þórðarson, sérfræðingur frá Samgöngustofu, um fjölmargt er snýr að málefnum bílstjóra en þó aðallega um endurmenntun þeirra. Á seinni fræðslufundinum sem fram fór nú í janúar mættu 3 fulltrúar frá umferðareftirliti lögreglunar og voru með almennt fræðsluerindi um embættið.

Frábær mæting var á fyrri fundinn og mjög góð á þann seinni. Miðað við hvernig þessir fundir tókust til má segja að mjög góðar líkur séu á því að þeir verði fleiri.

Í lok febrúar í fyrra varð niðurstaða forsendunefndar ASÍ og SA vegna endurskoðunar kjarasamninga sú að segja ekki upp núgildandi kjarasamningi. Í raun var ákvörðun um uppsögn einungis frestað fram til febrúar á þessu ári. Ef tekin verður ákvörðun um uppsögn kjarasamninga núna í lok febrúar mun uppsögnin strax taka gildi, en ekki frá lok apríl eins og samningarnir kveða á um.

Nú í janúar fóru fram á Illugastöðum vinnudagar aðalstjórnar félagsins. Fyrri daginn fór Björn formaður yfir stöðuna í dag í kjaramálum og jafnframt sagði hann frá fundi þar sem nokkrir ungir félagsmenn voru kallaðir til, til að fara yfir starfsemina. Ásgrímur upplýsingafulltrúi fór yfir ýmislegt er tengist kynningum félagsins, m.a. heimasíðuna og síðu félagsins á Facebook. Við fengum líka góða gesti á fundinn, en Karl Eskil Pálsson kom og sagði frá þeirri vinnu sem fram fór er N4 bjó til þrjú kynningarmyndbönd fyrir félagið. Kolbeinn Marteinnsson, framkvæmdastjóri Athygli, fjallaði um hvernig félagið er að birtast á samfélagsmiðlum og er óhætt að segja að við lítum mjög vel út í þeim málum. Guðrún Ágústa Guðmundsdóttir, framkvæmdastjóri ASÍ, fjallaði svo í lok dagsins um hlutverk stéttarfélaga í breyttum heimi vinnunar.

Seinni daginn sáu þær Guðrún Ágústa og Eyrún Valsdóttir, deildarstjóri fræðsludeildar ASÍ, um hópavinnu þar sem hugað var um framtíðina er kemur að verkalyðsmálum og eins hvernig vinnuumhverfið verði eftir 20 ár.

Í maí var haldinn árlegur fræðsludagur félagsins, en hann fór fram í Menningarhúsinu HOFi á Akureyri. Þarna voru mættir trúnaðarmenn og aðrir sem eru í trúnaðarstörfum fyrir félagið, um 100 manns. Dagskráin hófst kl. 10 um morguninn og lauk um kl. 17. Fræðsludagurinn í ár verður 23. apríl nk., í Laugarborg í Eyjafjarðarsveit, þannig að þeir sem eru í trúnaðarstörfum fyrir félagið geta strax tekið daginn frá.

Tæplega 90 fulltrúar, frá öllum stéttarfélögum á Norðurlandi sátu 35. þing Alþýðusambands Norðurlands sem fram fór á Illugastöðum í október. Eining-Iðja átti 42 þingulltrúa af þeim 87 sem þingið sátu.

Í október fór fram 6. þing Starfsgreinasambands Íslands. Þingið fór fram á Selfossi og stóð yfir í tvo daga. Seturétt á þinginu áttu alls 135 þingfulltrúar, þar af 11 frá Einingu-Iðju. Okkar formaður, Björn Snæbjörnsson, var þar endurkjörinn formaður sambandsins til næstu tveggja ára.

Aðalstjórn félagsins ákvað að framkvæma aftur sambærilega kjara- og viðhorfskönnun og framkvæmd hefur verið ár hvert frá árinu 2011. Óhætt er að segja að mikil ánægja er með þjónustu félagsins og félagið sjálft. Eyrún mun á eftir fara yfir niðurstöður könnunarinnar.

Frá og með síðustu áramótum hækkuðu nokkrir styrkir úr sjúkrasjóði félagsins. Heyrnartækjastyrkir, Gleraugnastyrkir, Laseraðgerðir og tækni- og glasafrjóvganir hækkuðu í kr. 60.000 úr kr. 50.000. Líkamsrækt hækkaði um kr. 3.000 og er nú kr. 23.000 á ári. Útfararstyrkir hækkuðu vegna vísitölu í kr. 385.000 úr 360.000.

Frá síðasta aðalfundi hafa verið haldin mörg námskeið, þ.á.m. eru dyravarðanámskeið, trúnaðarmannanámskeið og föndurnámskeið. Önnur námskeið voru auglýst en ekki tókst að fá lágmarkfjölda á þau.

Í vor verður boðið að minnsta kosti upp á tvö námskeið. Starfslokanámskeið fyrir félagsmenn 65 ára og eldri. Einnig mun Bragi Bergmann verða með námskeið í framkomu, framsögu og fundarskópum.

Ef einhverjir eru með hugmyndir að námskeiðum sem þeir hafa áhuga á, er um að gera að koma því á framfæri við Önnu varaformann félagsins.

Ég vil minna á að félagsmenn geta hvenær sem er haft samband við ráðgjafana í SÍMEY og fengið hjá þeim ókeypis ráðgjöf.

Stjórn deildarinnar var þannig skipuð fyrir síðasta starfsár:

Formaður	Ingvar Kristjánsson	Isavia
Varaformaður	Svavar Magnússon	Sæplast Dalvík
Ritari	Gunnar Magnússon	Hyrnu
Meðstjórnendur	Rannveig Kristmundsdóttir	
	Páll Brynjar Pálsson	Samskip
	Þormóður Sigurðsson	Vélfag Ólafsfirði
	Þór Jóhannesson	Becromal
	Hilmar Poulsen	Slippurinn Akureyri
	Hjörtur Þór Hjartarson	HBA

Fyrir næsta starfsár verða eftirtalin í stjórn til eins árs:

Formaður	Ingvar Kristjánsson	Isavia
Ritari	Gunnar Magnússon	Hyrnu
Meðstjórnendur	Þór Jóhannesson	Becromal
	Hjörtur Þór Hjartarson	HBA

Í ár verður kosið um varaformann og þrjá meðstjórnendur til tveggja ára. Einnig þarf að kjósa einn meðstjórnanda til eins árs þar sem Hilmar er ekki lengur í félaginu. Eftirfarandi gefa kost á sér til tveggja ára:

Varaformaður	Svavar Magnússon	Sæplast Dalvík
Meðstjórnendur	Rannveig Kristmundsdóttir	
	Páll Brynjar Pálsson	Samskip
	Þormóður Sigurðsson	Vélfag Ólafsfirði

Til eins árs:

Meðstjórnandi	Steinar Ingi Gunnarsson	SS Byggir
---------------	-------------------------	-----------

Ég vil þakka Hilmar sem nú lætur af stjórnarstörfum, fyrir ánægjulegt samstarf.

Í fyrra var tekin sú ákvörðun í aðalstjórn félagsins að kaupa fimm nýjar íbúðir í Kópavogi og selja í staðinn fjórar eldri í Reykjavík. Félagið fékk íbúðirnar afhentar í lok desember. Búið er að leggja á þær parket, en vegna raka í plötu þurfti að fresta því verki um nokkrar vikur. Frágangur við bílakjallara og utanhúss en nokkuð á eftir áætlun en vonandi verður hægt að setja þær í leigu frá og með næstu mánaðamótum.

Ég minni fólk á að orlofsblaðið kemur út 7. mars nk. Í sumar verður boðið upp á mikið úrval sumarhúsa eins og undanfarin ár.

Nýlega rann út frestur til að senda inn umsókn fyrir íbúðina á Spáni, sem er nýr orlofskostur fyrir félagsmenn næsta sumar og kynntur var í jólablaði félagsins. Alls sóttu 35 félagsmenn um leigurnar níu sem í boði eru, tvær vikur í senn. Búið er að úthluta og eiga þeir sem sóttu um að fá svar frá félaginu á næstu dögum.

Áfram verður boðið upp á Viku að eigin vali. Styrkurinn í ár verður kr. 24.000 sem er hækkun um kr. 2.000. Ákveðið var að fjölga styrkjum um 30 og því verða 300 styrkir í boði í ár. Sækja þarf um styrkinn eins og orlofshúsin, þ.e. fyrir 3. apríl nk.

Eins og undanfarin ár verða þrjár ferðir í boði. Uppselt er í ferð sem farin verður til Austurríkis í ágúst, en enn er tekið við skráningum á biðlista. Skráning stendur yfir í fjögurra daga ferð sem verður farin um Suðausturland 25. til 28. júní nk. Skráning í ferðina hafa ferð vel af stað og því er ekki eftir neinu að biða með að skrá sig fyrir þá sem hug hafa á að fara með, því bæði er um að ræða lágmarks- og hámarksfjölda í ferðina.

Á skrifstofum félagsins verður áfram boðið upp á útilegu- og veiðikort á niðurgreiddu verði, ásamt gistimiðum á Keahótelin, Fosshótelin og Edduhótelin.

Ég minni líka á varðandi sumarúthlutun orlofshúsa að nú er bara tekið við rafrænum umsóknum í gegnum félagavefinn þegar sótt er um sumarhús og „Viku að eigin vali.“ Á félagavefnum geta félagsmenn líka skoðað punktastöðu og punktasögu, greiðslusögu vegna bóta og styrkja ásamt úthlutunarsögu vegna orlofshúsa. Einnig er þar hægt að skoða upplýsingar um stöðu orlofshúsa, sækja um, bóka yfir vetrartímann og greiða fyrir orlofshús með greiðslukorti.

Ég vil enn og aftur minna á heimasíðu félagsins, www.ein.is, þar sem má m.a. nálgast gagnlegar upplýsingar um félagið, kjaramál, fræðslumál og réttindi launafólks. Síðan er vel virk og vel sótt

af félagsmönnum og öðrum. Hægt er að skrá sig á póstlista á síðunni og fá þannig nýjustu fréttir sem á hana koma beint í æð.

Félagið er með síðu á Facebook svo þið megið alveg endilega gefa okkur eins og eitt like á þá síðu og svo er um að gera að deila henni svo fleiri félagsmenn viti af henni.

Síðastliðinn laugardag hélt félagið útgáfuhátíð í HOFI í tilefni af útkomu bókarinnar „Til starfs og stórra sigra“ – Saga Einingar-Iðju 1906-2004. Þessi dagur var valinn því þann 10. febrúar, fyrir 55 árum, sameinuðust Verkakvennafélagið Eining og Verkamannafélag Akureyrarkaupstaðar.

Í tilefni útgáfunnar veitti félagið Krabbameinsfélagi Akureyrar, Endurhæfingardeildinni á Kristnesi, Aflinu og Grófinni styrki upp á krónur eina milljón hverju. Sérstakur gestur hátíðarinnar var forseti Íslands hr. Guðni Th. Jóhannesson.

Hægt er að kaupa eintak af þessu glæsilega riti á skrifstofum félagsins. Út febrúar verður hún á tilboði til félagsmanna á kr. 9.900 en fullt verð er kr. 13.900.

Ég vil þakka öllum þeim sem ég hef starfað með á liðnu ári fyrir ánægjulegt samstarf og viðkynningu og þá ekki síst Eyrúnu Höllu Eyjólfsdóttur, starsmanni deildarinnar.

Takk fyrir.